

Na osnovu člana 16. Stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona“, broj 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 46. sjednici, održanoj 13.09.2024. godine, d o n o s i :

ZAKLJUČAK

I.

Prima se na znanje Izvještaj o radu Kantonalnog pravobranilaštva u Zenici za 2023. godinu.

II.

Izvještaj iz tačke I ovog Zaključka upućuje se u dalju skupštinsku proceduru.

III.

Ovaj Zaključak stupa na snagu danom donošenja.

Broj: 02-_____/24
Datum, 13.09.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Kantonalno pravobranilaštvo u Zenici,
putem Ministarstva,
1x Stručna služba Skupštine,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNO
PRAVOBRANILAŠTVO



Bosnia and Herzegovina
Federacija Bosne i Hercegovine
ZENICA-DOBOJ CANTON
OFFICE OF THE ATTORNEY
GENERAL

IZVJEŠTAJ
O RADU KANTONALNOG PRAVOBRANILAŠTVA ZENICA
za period od 01.01.2023. do 31.12.2023. godine

Broj: Up- 15/24
Zenica, mart 2024. godine

Na osnovu odredbe čl. 31. Zakona o pravobranilaštvu («Službene novine Zeničko-dobojskog kantona», br. 12/13), Kantonalno pravobranilaštvo Zenica podnosi Vladi i Skupštini Zeničko-dobojskog kantona

IZVJEŠTAJ
O RADU KANTONALNOG PRAVOBRANILAŠTVA ZENICA
za period od 01.01.2023. do 31.12.2023. godine

I Uvod

Kantonalno pravobranilaštvo Zenica (u daljem tekstu: Pravobranilaštvo) je neovisan i samostalan kantonalni organ, koji preduzima mjere i pravna sredstva radi pravne zaštite imovine i imovinskih interesa Zeničko-dobojskog kantona (u daljem tekstu: Kanton).

Nadležnost i djelokrug rada Kantonalnog pravobranilaštva Zenica u odnosu na poduzimanje pravnih radnji i mjera u cilju zaštite imovine i imovinskih interesa Zeničko-dobojskog kantona, propisani su Zakonom o pravobranilaštvu («Službene novine Zeničko-dobojskog kantona», br. 12/13), kojim je određeno da poslove zaštite imovinskih prava i interesa Kantona i njegovih organa i organizacija, te drugih organa i organizacija koji nemaju svojstvo pravnog lica, a finansiraju se iz budžeta Kantona, obavlja Kantonalno pravobranilaštvo Zeničko-dobojskog kantona, koje vrši svoju funkciju na osnovu zakona i drugih propisa, a što podrazumijeva da Pravobranilaštvo obavlja slijedeće poslove:

- kao samostalan organ, u postupku pred sudovima i drugim nadležnim organima, zastupa Kanton kao zakonski zastupnik i preduzima pravna sredstva radi zaštite imovinskih prava i interesa Kantona i kantonalnih organa u svim sudskim i upravnim postupcima,*
- preduzima mjere radi pokušaja zaključenja vansudske nagodbe prije pokretanja postupka pred nadležnim sudom ili drugim organom, ili u toku pokrenutog postupka, te zaključuje sporazume o vansudskim nagodbama sa dužnicima ili povjeriocima Kantona, uz saglasnost Vlade Kantona, odnosno Komisije za predhodnu saglasnost za zaključivanje sudske i izvansudske nagodbe Vlade Kantona,*
- daje mišljenja prije zaključivanja privrednih ugovora i ugovora koji regulišu imovinsko – pravna pitanja,*
- daje pravna mišljenja i pruža stručnu pomoć kantonalnim organima pri rješavanju imovinsko-pravnih odnosa,*
- u okviru preventivnog djelovanja, prati i proučava pojave i probleme iz oblasti vršenja svojih funkcija koje se odnose na primjenu zakona, te obavještava nadležne organe i predlaže mjere za sprečavanje društveno štetnih pojava.*

Pored navedenih, Pravobranilaštvo obavlja i poslove utvrđene posebnim zakonima i drugim propisima, koji su, između ostalih, slijedeći:

- podnosi nadležnim tužilaštvima i sudovima imovinsko pravni zahtjev u skladu sa Zakonom o krivičnom postupku, nakon obavještenja od strane nadležnog suda/tužilaštva, kada je usljed krivičnog djela oštećena imovina Kantona,*

- pruža stručnu pomoć pomoć organima i pravnim licima kojima je prema Zakonu o pravobranilaštvu na to ovlašteno u rješavanju imovinsko-pravnih pitanja.
- daje pravna mišljenja na dostavljene prijedloge ugovora koji regulišu imovinsko pravna pitanja, a na osnovu ovlaštenja koja su utvrđena u: Zakonu o stvarnim pravima, Zakonu o poljoprivrednom zemljištu, Zakonu o koncesijama, Zakonu o šumama, kao i drugim zakonima i propisima,
- pokreće postupak za upis stvarnih prava na nekretninama čiji je nosilac Kanton, kao i upis javnih i općih dobara, na osnovu Zakona o stvarnim pravima,
- može podnijeti žalbu protiv rješenja kojim je povrijeđen zakon u korist pojedinca ili pravnog lica a na štetu javnog interesa, u skladu sa ovlaštenjem koje mu je dato odredbama Zakona o opštem upravnom postupku,
- na osnovu Zakona o upravnim sporovima može pokrenuti upravni spor, kad je upravnim aktom povrijeđen zakon na štetu Kantona, koga Kantonalno pravobranilaštvo zastupa po zakonu, kao i u drugim slučajevima određenim zakonom, u kojem slučaju su svi organi uprave, službe za upravu i pravna lica dužni da o takvim aktima, kad za njih saznaju, obavijeste Kantonalnog pravobranioca.

U skladu sa propisanom nadležnosti Pravobranilaštva i opisu poslova nosilaca pravobranilačke funkcije, u skladu sa Zakonom, Pravobranilaštvo Kantona obezbjeđuje:

- zakonito, stručno i efikasno vršenje poslova iz svoje nadležnosti,
- ostvarivanje saradnje sa ministarstvima, kantonalnim i općinskim organima, sa organima i organizacijama na nivou Federacije BiH, sa organima pravosuđa na svim nivoima, sa pravobranilaštvima na svim nivoima, posebno radi ujednačavanja prakse i zauzimanja stavova po istim ili sličnim pravnim pitanjima,
- praćenje i proučavanje sudske prakse i zauzimanje jedinstvenih stavova na Stručnom kolegiju vezano za predmete iz nadležnosti Pravobranilaštva i drugih spornih pitanja iz svog djelokruga rada.

U 2023. godini u radu Kantonalnog pravobranilaštva Zenica evidentirano je ukupno 12.914 predmeta, koji su shodno Pravilniku o poslovanju i vođenju evidencije u Kantonalnom pravobranilaštvu Zeničko-dobojskog kantona («Službene novine Zeničko-dobojskog kantona», br. 2/14) označeni i od kojih je:

- 317 parničnih spisa (oznaka „P“),
- 12.070 izvršna spisa od kojih je 8.324 spisa koji se odnose na neplaćenu sudsku taksu (oznaka „Ist“) i 3.746 ostalih izvršnih spisa (oznaka „I“),
- 10 upravnih spisa (oznaka „U“),
- 140 mišljenja (oznaka „M“),
- 290 raznih spisa (oznaka „R“) te
- 87 internih spisa (oznaka „Up“).

Od ukupnog broja svih predmeta u radu u 2023. godini (3.282 zaprimljenih predmeta i 9.633 nezavršenih predmeta prenesenih iz prethodne godine), u izvještajnom periodu je okončano ukupno 1.656 predmeta, dok je kao nezavršenih preneseno u narednu godinu 11.258 predmeta (od kojih se 10.793 predmeta odnosi na izvršne spise i to 7.361 za naplatu sudske takse i 3.432 za ostala prinudna izvršenja).

II Poslovi zastupanja

U okviru aktivnosti na poslovima zastupanja, kao najznačajnijim poslovima iz nadležnosti Pravobranilaštva, Pravobranilaštvo je angažovano na poslovima:

- *sačinjavanja tužbi Kantona protiv trećih lica i upućivanja istih nadležnim sudovima,*
- *izrade odgovora na zaprimljene tužbe protiv Kantona,*
- *ulaganju redovnih (žalbi, prigovora) i vanrednih pravnih lijekova (revizija, apelacija) protiv odluka sudova,*
- *uključivanja u svojstvu umješaca u sudske sporove po tužbama protiv drugih pravnih lica (osnovnih i srednjih škola radi primjene kolektivnih ugovora), te izrade odgovora tuženih na tužbe, te redovnih i vanrednih pravnih lijekova i apelacija,*
- *podnošenja prijedloga za izvršenje u ime Kantona i ulaganju prigovora protiv rješenja o izvršenju donesenih protiv Kantona, izradi pismenih podnesaka u toku trajanja izvršnog postupka,*
- *davanja pismenog odgovora na pravne lijekove druge stranke u postupku,*
- *zaključivanja sudskih i vansudskih nagodbi,*
- *podnošenja imovinsko-pravnih zahtjeva u krivičnim postupcima,*
- *pristupa i zastupanja na sudskim ročištima i raspravama pred organima uprave radi zastupanja interesa Kantona.*

U sudskim i upravnim postupcima Pravobranilaštvo učestvuje u svojstvu stranke u postupku i dužno je da poduzima sve pravne radnje koje su potrebne radi zaštite imovinsko-pravnih interesa Kantona.

U sudskim postupcima Pravobranilaštvo se pojavljuje u ulozi zakonskog zastupnika tužitelja, tuženog ili umješaca u parničnim postupcima, (što podrazumjeva uključivanje u sporove koji se vode pred sudom između drugih pravnih lica u pravnim situacijama kada Kanton ima interes da jedna od strana u sporu uspije u postupku), te tražitelja izvršenja i izvršenika u izvršnim postupcima.

U 2023. godini u radu je bilo ukupno 12.914 parničnih, izvršnih i upravnih predmeta, a Pravobranilaštvo je zastupalo Kanton na ukupno 170 zakazanih ročišta u sudskim postupcima, pred općinskim sudovima Zeničko-dobojskog kantona, Kantonalnim sudom u Zenici, te općinskim i kantonalnim sudovima van područja Kantona.

PARNIČNI POSTUPAK („P“)

U 2023. godini Pravobranilaštvo je u radu imalo 317 parničnih predmeta, od kojih je zaprimljeno 134 novih predmeta, a 183 predmeta preneseno je iz prethodne godine.

U izvještajnom periodu pravosnažno je okončano 71 parnica, a u 2024. godinu preneseno je 246 nezavršenih predmeta iz ranijeg perioda.

Pravobranilaštvo je tokom 2023. godine u ime Kantona podnijelo ukupno 15 tužbi i dalo 31 odgovora na tužbe te dalo 67 odgovora na tužbe i podnesak umješaka na strani osnovnih i srednjih škola, uložilo 78 žalbi na prvostepene presude i dalo 9 odgovora na žalbe suprotne strane, izjavilo 11 revizija Vrhovnom sudu Federacije BiH protiv drugostepenih odluka. Važno je napomenuti da je prema odredbama Zakona o praničnom postupku određeno da se revizija može izjaviti kad je vrijednost spora minimalno 30.000,00 KM.

Po zaprimljenim i riješenim tužbama u 2023. godini, Pravobranilaštvo je zastupalo Kanton u ukupno 134 parničnih postupaka, od kojih je

- u 29 parnica bio u ulozi tužitelja,
- u 105 parnica u ulozi tuženog.

Ukupna vrijednost svih parničnih sporova evidentiranih u izvještajnom periodu po kojima je rađeno iznosi 8.796.719,51 KM, u kojima je Kanton bio tužilac i tuženi.

Po podnesenim tužbama Kantona protiv trećih lica, zaprimljenih i okončanih u 2023. godini, ukupna vrijednost sporova je iznosila 6.292.675,45 KM a iznos od 73.729,94 KM na pravosnažno okončane tužbe u korist Kantona u izvještajnom periodu.

Ukupna vrijednost sporova svih podnesenih tužbi protiv Kantona zaprimljenih iznosi 2.504.044,06 KM od čega se iznos od 565.646,80 KM odnosi na zaprimljene tužbe u 2023. godini, iznos od 1.938.400,26 KM se odnosi na ukupnu vrijednost tužbi iz ranijih godina. Od ukupnog broja okončanih predmeta u izvještajnom periodu u ukupnom iznosi od 639.376,74 KM, iznos od 136.136,06 KM se odnosi na pravosnažno dosuđene i okončane tužbe protiv Kantona, a iznos od 73.729,94 KM se odnosi na pravosnažno dosuđene i okončane tužbe u korist Kantona.

Vrijednost svih parničnih sporova	Vrijednost tužbi Kantona protiv trećih lica	Vrijednost tužbi protiv Kantona	Vrijednost svih okončanih tužbi	Vrijednost dosuđenih tužbi protiv Kantona	Vrijednost dosuđenih tužbi u korist Kantona
8.796.719,51 KM	6.292.675,45 KM	2.504.044,06 KM	639.376,74 KM	136.136,06 KM	73.729,94 KM

Tokom 2023. godine u redovnom parničnom postupku, pravosnažno je okončano 45 predmeta po tužbama protiv Kantona, kojima je utuženo ukupno 565.646,80 KM, radi potraživanja po raznim osnovama (dug, naknada štete, prava iz radnog odnosa i dr.), a dosuđeno je ukupno 136.136,04 KM, (usvojeno je 23 tužbi /16 u cjelosti, 7 djelimično/, 10 tužbi povučeno, 6 tužbi rješeno na drugi način i 6 tužbi je u cjelosti odbijeno za utuženi iznos od 134.446,00 KM.

Pravosnažno okončano	Vrijednost pravosnažno okončanih predmeta	Vrijednost pravosnažno dosuđenih tužbi	Vrijednost odbijenih i povučenih tužbi	Vrijednost pravosnažno odbijenih tužbi	Uspjeh tužitelja u sporu
45 spisa	565.646,80 KM	136.136,06 KM	295.064,76 KM	134.446,00 KM	24 %

Po tužbama Kantona okončano je 26 predmeta, u kojima je utuženo ukupno 80.789,91 KM, od čega je 18 tužbi usvojene u cjelosti i dosuđeno u korist Kantona ukupno 73.729,94 KM, u 8 tužbi rješeno je na drugi način (tužbe povučene jer je dužnik izvršio plaćanje, odbijeni s tužbenim zahtjevom ili je rješeno na drugi način).

<i>Pravosnažno okonačane tužbe Kantona</i>	<i>Vrijednost spora po tužbama Kantona</i>	<i>Usvojene u cjelosti tužbe Kantona</i>	<i>Vrijednost dosuđenih tužbi u korist Kantona</i>	<i>Vrijednost sudske nagodbe u korist Kantona</i>	<i>Uspjeh tužitelja u sporu</i>
26 tužbi	80.789,91 KM	18 tužbi	73.729,94 KM		91 %

Od ukupno 71 pravosnažno okončanih predmeta u 2023. godini

- *po tužbama protiv Kantona, dosuđeno je ukupno 136.136,06 KM (od čega se 57.416,26 KM odnosi na naknade po osnovu kolektivnih ugovora, škola, uprave, MUP i pravosuđe i 78.719,78 KM na ugovorene i regresne dugove, naknade šteta, naknade iz radnog odnosa, imovinska prava,*
- *u korist Kantona presuđeno je ukupno 73.729,94 KM, bilo da su usvojeni tužbeni zahtjevi Kantona ili su tužitelji odbijeni u cjelosti ili djelimično sa tužbenim zahtjevom ili je došlo do povlačenja tužbi od strane tužitelja ili je postupak okončan na drugi način (odbacivanjem tužbe, prekid postupka i sl.).*

Povlačenjem tužbi u 2023. godini okončano je ukupno 11 predmet, ukupne vrijednosti spora 178.854,34 KM, a odnosi se na naknadu štete i ispunjenje ugovornih obaveza.

<i>Pravosnažno okonačanih u 2023.godini</i>	<i>Pravosnažno okonačanih tužbi-Kanton tuženi</i>	<i>Pravosnažno okonačanih tužbi-Kanton tužitelj</i>	<i>Vrijednost pravosnažno dosuđenih tužbi na štetu Kantona</i>	<i>Vrijednost pravosnažno odbijenih tužbi prema Kantonu</i>	<i>Vrijednost pravosnažno dosuđenih tužbu u korist Kantona</i>
71 tužbi	45 tužbi	25 tužbi	136.136,04 KM	134.446,00 KM	73.729,94 KM

Sporovi za naknadu štete

U strukturi sporova za naknadu štete najznačajniji su sporovi zbog štete nastale neizvršenjem zakonskih i ugovornih obaveza, a najbrojniji su sporovi za štete nastale zbog šumske krađe, zatim štete na vozilu učesnika u saobraćaju zbog neadekvatnog održavanja puteva iz nadležnosti Kantona, štete zbog povreda na radu, štete nastale zbog nepropisnog postupanja državnih organa, štete zbog napada pasa lualica i dr.

Iz ove grupacije sporova, Pravobranilaštvo je u 2023. godini zastupalo Kanton u 31 predmetu (ukupna v.s. 260.016,06 KM), od kojih su

- *19 tužbi zaprmljenih u toku godine ukupne vrijednosti spora od 150.278,45 KM u kojem je Kanton tuženi.*
- *12 predmeta je okonačano u 2023. godini ukupne vrijednosti sporova od 214.490,70 KM u kojim je Kantona bio tuženi.*

Od ukupno 12 tužbi podnesenih protiv Kantona za naknadu štete usvojeno je ukupno 25.015,47 KM dok je upreostalom dijelu vrijednosti sporova tužbeni zahtjev odbijen preko traženog iznosa.

Tužbi protiv Kantona zaprimljenim u 2023. godini koje se odnose na potraživanje naknade materijalne i nematerijalne štete zbog propusta u postupanju organa uprave, naknadu štete zbog napada životinja nije bilo, dok je bilo podnesenih tužbi za štetu nastalu u saobraćaju.

Štete zbog neizvršenja ugovornih i zakonskih obaveza

U ovoj grupaciji sporova prisutni su privredni sporovi koji proizilaze iz raznih pravnih odnosa Kantona sa drugim pravnim subjektima, i to najčešće radi naplate dospjelih, a nenaplaćenih obaveza koje proizilaze iz zakona, koncesionih ugovora, ugovora o kreditima, ugovora o raznim vrstama usluga, te kupoprodajnih ugovora po kojima nisu ispoštovani ugovoreni rokovi za plaćanje ugovorenih naknada. U ovim predmetima, kada dug nije sporan, u većini slučajeva dužnik izmiri dug prije nego što se zakaže rasprava po tužbi, u kojem slučaju tužitelj povlači tužbu.

U izvještajnom periodu Pravobranilaštvo je u ime Kantona podnijelo 2 tužbe radi ispunjenja ugovora, ukupne vrijednosti od 6.273.268,42 KM a koja se odnosi na Ugovor o građenju, dok je jedna tužba okončana pravosnažno za iznos od 10.000,00 KM.

U izvještajnom periodu, po ovom osnovu pravosnažno je okončano 1 spor po tužbi Kantona, podnesenom u ranijem periodu, ukupne vrijednosti 58.124,00 KM.

U izvještajnom periodu, po ovom osnovu pravosnažno je okončano 4 tužbe po tužbama protiv Kantona, za ukupnu vrijednost 129.820,26 KM od čega su 3 tužbe povučene a 1 tužba je odbijena.

Štete proistekle iz šumske krađe

U toku 2023. godine Pravobranilaštvo je podnosilo tužbe za naknadu štete zbog šumske krađe, a iste se podnose prema zahtjevima dostavljenim od strane Kantonalne uprave za šumarstvo za pokretanje postupaka za utuženje, te kako je bilo dostavljenih zahtjeva po ovom osnovu, Pravobranilaštvo je podnijelo ukupno 20 tužbi.

Po podnesenim tužbama radi duga za izvršenu šumsku krađu, u 2023. godini okončano je svih do postupaka tako što su tužbe u cijelosti usvojene.

Štete nastale u saobraćaju

Kako je Kanton odgovoran za bezbjedno odvijanje saobraćaja na cestama kojim upravlja, (Regionalne ceste- član 13. Zakona o cestama Federacije BiH „Sl. novine Federacije BiH“, broj: 12/10 i 16/10) tužbe za štete nastale u saobraćaju najčešće se podnose za štete nastale zbog neadekvatnog održavanja cesta i objekata na istim, nepostavljanja odgovarajućih znakova upozorenja, odrona kamena na cestama i sl. (urušavanje mosta, oštećenje objekta usljed rekonstrukcije puta, saobraćajne nesreće usljed oštećenja puta, te drugi uzroci nastanka šteta na vozilu).

Po tužbama protiv Kantona iz ranijih godina, po ovom osnovu u 2023. godini okončano je 12 sporova kojim je potraživano ukupno 216.324,30 KM, a dosuđen iznos od 25.013,77 KM, dok je u preostalom dijelu tužbeni zahtjevi odbijeni ili su tužbe povučene za iznos 191.310,53 KM.

Štete pričinjene trećim licima od strane organa ili uposlenika Kantona

Za štetu koju trećem licu u vršenju ili u vezi sa vršenjem svojih funkcija prouzrokuje kantonalni organ ili uposlenik Kantona, odgovara Kanton, kao pravno lice.

U toku 2023. godine nije bilo tužbi podnesenih protiv Kantona za naknadu šteta po ovom osnovu odnosno radi naknade materijalne štete zbog propusta u postupanju organa uprave Zeničko-dobojskog kantona.

Štete nastale na radu ili u vezi sa radom

U izvještajnom periodu u Pravobranilaštvu nije bilo zaprimljenih tužbi radi naknade štete zbog povrede na radu.

Sporovi radno-pravnog karaktera

U 2023. godini Pravobranilaštvo je zastupalo Kanton (kao tuženog i kao umješaka na strani tuženog) u 75 sudskih sporova radno-pravnog karaktera.

Shodno odredbi iz člana 11. stav (5) Zakona o pravobranilaštvu, Pravobranilaštvo ne zastupa organe i tijela Kantona u radnim sporovima već to vrši osoba zaposlena u organu ili tijelu Kanton akoju odredi rukovodilac organa, izuzev radnih sporova pokrenutih radi novčanog potraživanja. Bitno je navesti da Pravobranilaštvo ima određenih problema kad je u pitanju praksa sudova u primjeni navedene odredbe, odnosno po pitanju šta je radni spor, obzirom da je stav Pravobranilaštva da je predmet citirane odredbe svaki radni spor koji za predmet ima određeno utvrđenje prava iz radnog odnosa, neovisno što je uz takav zahtjev postavljen i zahtjev za novčano potraživanje. Ovo naročito iz razloga što je zahtjev za novčanim potraživanjem uslovljen zahtjevom za utvrđenjem određenog prava iz radnog odnosa. Stoga smatramo da Pravobranilaštvo ima ispravan stav po pitanju primjene citirane odredbe, naročito što su to sporovi po svojoj pravnoj prirodi upravo pristekli iz određenog postupanja ili ne postupanja organa uprave u pogledu prava iz radnog odnosa uposlenika Kantona.

Sporovi radi isplate razlike plaća i naknada po Kolektivnim ugovorima

Radi isplate razlika plaća i drugih naknada primjenom Kolektivnog ugovora za djelatnost osnovnog obrazovanja u Federaciji BiH, u 2023. godini protiv osnovnih škola i srednjih škola sa područja Kantona podneseno 70 novih tužbi čija je ukupna vrijednost 2.017.022.94 KM.

Ovdje je važno napomenuti da je škola kao pravni subjekat označena kao tužena, te da pravobranilaštvo ima samo pravni položaj umješaka na strani škole. Također, pravobranilaštvo se uključuje u postupke samo nakon što tužena škola dostavi tužbu, te je primjećeno da škole to rade apsolutno neažurno, radi čega ovo Pravobranilaštvo i nema saznanja o broju postupaka protiv škola sa područja Zeničko-dobojskog kantona, radi čega smo iznijeli podatke kojima u našem upisniku raspolažemo

U toku 2023. godine podneseno je 7 tužbi protiv Kantona, radi isplate razlika plaća i drugih naknada na osnovu Kolektivnog ugovora za službenike organa uprave i sudske vlasti u Federaciji BiH, naknade za doprinose i prevoz, ukupne vrijednosti 106.982,20 KM, a koje se odnose na potraživanja državnih službenika i namještenika organa uprave, Ministarstva unutrašnjih poslova, Općinskog suda u Zenici i Kantonalnog suda u Zenici.

Po tužbama radi isplate plaća i naknada na osnovu granskih kolektivnih ugovora iz 2023. godine, u izvještajnom periodu riješeno je 22 predmeta, kojima je potraživano 130.278,05 KM a dosuđeno ukupno 62.896,88 KM (5 tužbi su povučene za iznos od 67.381,17 KM)

Ostali sporovi

U 2023. godini Pravobranilaštvo je imalo u radu 4 tužbe koje se odnose na utvrđivanje prava vlasništva koje su okončane na način da su sve tužbe od strane tužitelja povučene.

IZVRŠNI POSTUPAK („I“)

Tokom 2023. godine u radu Pravobranilaštva evidentirano je ukupno 12.070 izvršna predmeta (8.324 predmeta radi naplate sudske takse /„Ist“/ i 3.746 ostala izvršna predmeta /“I“/), od kojih je 9.306 preneseno iz predhodne godine.

U izvještajnom periodu zaprimljeno je 2.764 nova izvršna predmeta (536 radi prinudne naplate pravosnažno dosuđenih potraživanja iz rješenja za šumsku štetu i 2.228 radi prinudne naplate sudske takse), pravosnažno je okončano 1.277 predmeta, dok je 10.793 nezavršenih predmeta preneseno u narednu godinu.

Od ukupno 2.764 zaprimljena izvršna predmeta, 2.228 predmeta se odnose na prijedloge za izvršenje, koje je u 2023. godini u ime Kantona, Pravobranilaštvo podnijelo nadležnim sudovima, koji se odnosi na prinudnu naplatu neplaćene sudske takse i 536 prijedloga za prinudnu naplatu duga po osnovu ugovora o koncesiji, duga za štete nastale izvršenom šumskom krađom, te neplaćene troškove parničnog i izvršnog postupka, koji su dosuđeni u korist Kantona, 62 predmeta se odnosi na prijedloge za izvršenje za prinudnu naplatu duga, koji su podneseni protiv Kantona, radi naplate dosuđenih naknada na osnovu pravosnažnih presuda (u pretežnom dijelu izvršenje po presudama po osnovu duga troškova parničnog postupka). Smatramo potrebnim napomenuti da je u ovom dijelu pravobranilaštvo aktueleno učestvovalo u pružanju stručne pomoći u postupcima, ukupno 56 postupaka u kojim je škola označena kao izvršenik u svim dostavljenim rješenjima od strane škola koje su dostavljale rješenja i tražile stručnu pomoć

Od ukupnog broja 12.070 izvršnih predmeta u radu u 2023. godini, Kanton je tražilac izvršenja u 11.402 predmeta dok je u 668 predmeta Kanton izvršenik.

Od ukupno 12.070 izvršnih predmeta, koji su bili u radu u toku 2023. godine, donošenjem rješenja o izvršenju okončano je ukupno 1.277 predmeta, od kojih se 963 predmeta odnosi na sudske takse, a 314 predmeta na ostala izvršenja. Po osnovu neplaćene sudske takse i ostalih izvršenja po raznim osnovama u toku 2023. godine u korist Kantona je realizovano ukupno 264.511,70 KM.

Ukupno u radu	Pravosnažno je okončano/naplaćeno	Sudske takse „Ist“	Ostali izvršni predmeta „I“,	Preneseno iz predhodne godine	Zaprimljeno izvještajnom periodu	Preneseno u narednu godinu
12.070	1.277	8.324	3.746	9.306	2.764	10.793
Vrijednost	264.511,70 KM	212.944,06 KM	51.567,64 KM			

Izvršni postupci, u kojima se Kanton pojavljuje u ulozi tražioca izvršenja, odnose se na izvršni postupak pokrenut protiv lica koja ne vraćaju kredite dobijene iz budžetskih sredstava, lica za koja je utvrđeno u krivičnim i prekršajnim postupcima da su odgovorni za šumsku krađu,

lica koja nisu po rješenju suda platili sudsku taksu i prijedlozi protiv pravnih i fizičkih lica, koja nisu platila obaveze dosuđene Kantonu pravosnažnim presudama.

U okviru preventivnog djelovanja, prije pokretanja izvršnog postupka, Pravobranilaštvo je upućivanjem pismenih opomena dužnicima u većem broju predmeta uspjelo da obezbjedi plaćanje sudske takse bez podnošenja prijedloga za izvršenje.

Prijedlozi za izvršenje koji se podnose u ime Kantona, odnose se uglavnom na prinudnu naplatu sudske takse koja nije plaćena dobrovoljno u vođenim parničnim postupcima pred općinskim sudovima u Kantonu, koje su određene rješenjem sudova. U toku trajanja izvršnog postupka do konačne naplate duga i dalje su prisutni problemi koji se odnose na ispravnu oznaku naziva i adrese izvršenika i na statusne promjene izvršenika, što je od uticaja na dužinu i ishod samog izvršnog postupka. A takođe su izvršenja po prijedlogu Kantona u većem broju slučajeva otežana i iz razloga što su računi izvršenika često blokirani ili ugašeni, odnosno što izvršenik-fizičko lice nema nikakve imovine na kojoj bi se moglo provesti izvršenje.

Također, Pravobranilaštvu se dostavljaju rješenja za plaćanje sudske takse u kojima je takseni obveznik strano pravno lice, odnosno fizičko lice koje ima prijavljeno prebivalište van teritorije Bosne i Hercegovine. U tom slučaju jedini način za naplatu sudske takse je provođenje postupka izvršenja u zemlji u kojoj pravno lice ima sjedište, odnosno fizičko lice boravište, na način da je potrebno postupiti prema pravnom pravilu „Lex rei siti“, odnosno prema pravilima domaćeg prava. Ovakav postupak nije svrsishodan jer podrazumijeva prethodno predujmljivanje troškova koji su najčešće nesrazmijerni u odnosu na glavno potraživanje. U tom smislu je od značaja uloga nadležnih sudova koji odlučuju u postupcima i utvrđuju taksu da vode računa o taksenom obvezniku, da li se radi o stranoj pravnoj ili fizičkoj osobi, jer u dosadašnjoj praksi takva potraživanja ostaju ne naplaćena jer su predmet složene procedure povezane sa nesrazmjernim troškovima.

U toku 2023. godine u svim okončanim parničnim i izvršnim postupcima, na ime naknade i nagrade za rad (zastupanje) Kantonalnog pravobranilaštva, koji predstavljaju troškove postupka, u korist Kantona, ukupno je dosuđeno 86.880,00 KM od čega iznos 3.730,00 KM se odnosi na dosuđene troškove u parničnom a 83.150,00 KM na troškove u izvršnom postupku.

Ova sredstva se uplaćuju direktno u Budžet Kantona i ista nisu predviđena stavkom "prihodi budžeta", jer se ista dosuđuju za rad Pravobranilaštva na osnovu odredaba Zakona o parničnom postupku prema advokatskoj tarifi, kada Pravobranilaštvo u potpunosti ili djelimično uspije u sporu, pa slijedi da su ista doprinos Kantonalnog pravobranilaštva Budžetu Kantona.

UPRAVNI POSTUPAK („U“)

Tokom 2023. godine Pravobranilaštvo je u radu imalo 10 predmeta u upravnom postupku i upravnom sporu od kojih je 6 preneseno iz ranijih godina, a 4 su zaprmljena u izvještajnom periodu, i kao nezavršena preneseni su u 2024. godinu.

OSTALI PREDMETI („R“)

Ostali predmeti pod oznakom „R“, odnose se na izradu pojedinačnih informacija iz nadležnosti Pravobranilaštva, podnošenje imovinsko-pravnih zahtjeva u krivičnim postupcima protiv lica koja su izvršenjem krivičnog djela oštetili Budžet Kantona, prijedlozi za uknjižbu imovinskih prava, izjašnjenja Pravobranilaštva po podnesenim prijavama zbog neizvršenja pravosnažnih presuda, razne prepiske između Pravobranilaštva i subjekata čije interese Pravobranilaštvo zastupa ili subjekata koji se pismeno obraćaju Pravobranilaštvu po raznim pravnim pitanjima i dr.

Iz ove grupacije predmeta u 2023. godini evidentirano je u radu 290 predmet, od kojih je 182 okončano, 108 predmeta je preneseno u 2024. godinu.

Također veliki broj predmeta iz ovog upisnika, 42 predmeta odnosi se na korespondenciju sa osnovnim i srednjim školama, koje se odnose na pružanje stručne pomoći u rješavanju imovinsko-pravnih pitanja, tužbi i drugim stvarima u kojima Kantonalno pravobranilaštvo nema aktivnu legitimaciju i ne vrši zastupanje škola.

Također iz ove grupe predmeta radilo se na dostavi odgovara na poslanička pitanja, koja često nisu u nadležnosti ovog organa u smislu davanja potrebnih informacija, imajući u vidu pravni položaj Kantonalnog pravobranilaštva kao zakonskog zastupnika Kantona. Dalje, pružanje resornim ministarstvima određenih stručnih pomoći koja se ne mogu podvesti pod pravna mišljenja a tiču se ugovora o koncesiji, ugovora o prodaji stana na kojem postoji stanarsko pravo i sl.

Također, iz ovog upisnika Pravobranilaštvo je imalo obavezu podnošenja imovinsko-pravnih zahtjeva u krivičnim postupcima u kojima je povređena imovina ili imovinsko-pravni interes kantona, ukupno je podneseno 4 imovinsko-pravna zahtjeva.

III Preventivna djelatnost Pravobranilaštva

Preventivna djelatnost Pravobranilaštva usmjerena je na spriječavanje nastanka povrede imovinskih prava subjekata, čije interese Pravobranilaštvo zastupa, odnosno na smanjenje vrste i obima tih povreda, zatim na sporazumno rješavanje spornih imovinsko-pravnih odnosa, kad je to moguće i pravno osnovano.

Pravobranilaštvo preduzima i druge preventivne radnje i mjere koje utiču na smanjenje štetnih posljedica po državnu imovinu, izbjegavanje nepotrebnih sudskih postupaka i troškova, te bržeg ostvarivanja nespornih prava subjekta kojeg zastupa.

U okviru preventivnog djelovanja, Pravobranilaštvo daje pravna mišljenja organima i tijelima Kantona po pitanju korišćenja i raspolaganja državnom imovinom, pruža stručnu pomoć organima i tijelima Kantona čije interese zastupa u rješavanju imovinsko-pravnih pitanja, kao i drugih subjekata kada je to u interesu Kantona, predlaže nadležnim organima poduzimanje određenih pravnih radnji u cilju zaštite državne imovine, te sarađuje sa kantonalnim i općinskim tijelima u rješavanju imovinsko-pravnih pitanja.

U skladu sa članom 13. Zakona o pravobranilaštvu, kantonalni organi i organizacije čije imovinsko-pravne interese Pravobranilaštvo zastupa, dužna su da u poslovima pravnog prometa prije zaključenja pravnog posla, pribave mišljenje Pravobranilaštva, ali u onim ugovorima u kojima se pribavljaju stvari ili raspolaže stvarima, odnosno materijalnim (vlasničkim) pravima u vlasništvu Kantona. Pravobranilaštvo u svom radu pruža stručnu pomoć shodno gore citiranoj odredbi svim subjektima koji dostavljaju zahtjeve za

davanje mišljenja koja nisu obuhvaćena navedenom odredbom, u kojem slučaju davanjem eventulane stručne pomoći nadležnost Pravobranilaštva je iscrpljena.

U 2023. godini Pravobranilaštvo je imalo zastupljene sve navedene oblike preventivnog djelovanja, od kojih su najzastupljeniji davanje pravnih mišljenja (oznaka „M”), te upućivanje opomena za dobrovoljno ispunjenje obaveza za koje su Pravobranilaštvu upućeni prijedlozi za podnošenje tužbi ili prijedlozi za izvršenje od nadležnih kantonalnih organa.

U izvještajnom periodu Pravobranilaštvo je u radu imalo 140 zahtjeva za davanje pravnih mišljenja, od kojih je 36 zahtjeva preneseno iz prethodne godine, a 104 zaprimljeno u 2023. godini.

Ukupno je dato 91 pravnih mišljenja koja se odnose na mišljenja po ugovorima (kupoprodajni ugovori, ugovori o koncesiji, ugovori o građenju, ugovori o raznim vrstama usluga, ugovori o zakupu, ugovori o javnoj nabavci i dr.), a preko 100 usmenih mišljenja o kojima se ne vodi poseban upisnik a odnose se na druga pravna pitanja iz različitih pravnih oblasti (imovinsko-pravna pitanja, radno pravo, naknada štete, obligaciona prava mogućnosti sklapanja sudskih i vansudskih nagodbi iz osnova sudskih presuda, te s tim u vezi pitanje redosljeda naplate potraživanja i dr.).

U okviru preventivnog djelovanja, Pravobranilaštvo kontinuirano sarađuje sa nadležnim kantonalnim ministarstvima, sudovima i tužilaštvima, kao i sa općinskim i kantonalnim pravobranilaštvima sa područja Federacije Bosne i Hercegovine u cilju usaglašavanja stajališta o određenim pravnim pitanjima i što efikasnije zaštite imovinskih interesa Kantona.

IV Poslovi vezani za rad Pravobranilaštva

U okviru poslova vezanih za rad Pravobranilaštva, najčešći su poslovi izrade raznih rješenja o pravima iz radnog odnosa zaposlenika u Pravobranilaštvu (rješenja o ocjeni namještenika i državnog službenika, o korištenju godišnjeg odmora, te drugim pravima iz radnog odnosa), uvjerenja izdata o podacima iz službene evidencije Pravobranilaštva, izrada općih akata Pravobranilaštva, naročito donosjenje Pravilnika o unutrašnjoj organizaciji i njegovim usklađivanjem s apozitivnim propisima i nadležnostima Pravobranilaštva te informacije i izvještaji o radu Pravobranilaštva.

Iz ove grupacije predmeta („Up“) u radu je bilo 87 predmeta, od čega je 36 preneseno iz prethodne godine, 51 predmet je zaveden u izvještajnom periodu, 35 predmeta su okončana u 2023. godini, a 52 predmeta su prenesena u narednu godinu.

Također, valja napomenuti da je u proteklom urađen važan posao u vezi provedenog postupka arhiviranja bezvrijedne arhivske građe (BRG) koji je proveden u saradnji sa Arhivom Federacije Bosne i Hercegovine, u skladu sa pozitivnim propisima koji uređuju arhiviranje uopće. S tim u vezi navidimo da smo u tom postupku prethodno donijeli Listu kategorije arhivske građe, te nakon dobijanja saglasnosti na istu od strane Arhiva Federacije BiH, pristupili izdvajanja BRG, koja datira iz perioda osnivanja ovog Pravobranilaštva, kao pravnog sljednika Međuopćinskog javnog pravobranilaštva. Obzirom na provedeni postupak arhiviranja BRG-e, u Kantonalnom pravobranilaštvu dalje provodimo postupak arhiviranja shodno propisima koji to regulišu, ali istovremeno i navodim potrebu boljeg i adekvatnijeg uređenje priručne arhive, odnosno iznalažen adekvatnog prostora kao i potrebnog inventara, polica, koje smo predviđjeli u Planu javnih nabavki.

U Kantonalnom pravobranilaštvu Zenica angažovano je 7 uposlenika (od kojih su 3 nosioci pravobranilačke funkcije, pravobranilac i 2 zamjenika), 1 državni službenik (stručni saradnik) i 3 namještenika (tehnički sekretar, upisničar, operater-upisničar).

Imenovani Pravobranilac je ranije bio Zamjenik pravobranioca u ovom Pravobranilaštvu radi čega je potrebno voditi računa o pokretanju procedure imenovanja zamjenika pravobranioca a shodno Pravilniku o unutrašnjoj organizaciji i sistematizaciju radnih mjesta u Kantonalnom pravobranilaštvu, kako bi se rad mogao nesmetano obavljati u skladu iz Zakonom o pravobranilaštvu i citiranim pravilnikom. U tom smislu Pravobranilaštvo je u izvještajnom period pokrenulo proceduru za popunu upražnjenog radnog mjesta, Zamjenika kantonalnog pravobranioca, ali je iz pozatih razloga, odn. donošenjem Odluke vlade o moratoriju na upošljavanje nevdeni postupak obustavljen. S time u vezi u narednom periodu bit će nužno pokrenuti potrebnu proceduru za popunu navedene pozicije.

Imajući u vidu zakonom propisanu nadležnost Kantonalnog pravobranilaštva, obim i složenost poslova koje obavlja, posebno strogo poštivanje zakonskih rokova za poduzimanje potrebnih radnji u svim postupcima, bilo bi optimalno da se u Pravobranilaštvu, uvede dobra praksa angažovanja minimalno dva 2 pravnik-volontera godišnje, (koju smo imali u 2022.godini) što bi značajno doprinijelo efikasnijem radu Pravobranilaštva (posebno na izvršnom referatu), a takođe bi za pravnike-pripravnike bilo značajno obučavati se i raditi na predmetima iz raznih oblasti prava. Smatramo da će angažiranje pripravnika ili volontera imati pozitivan uticaj, kako na rad u jednostavnijim i manje složenim pravnim stvarima a s druge strane to daje mogućnost da poslije završenog pripravnčkog staža, pripravnici ili volonteri budu osposobljeni za rad na složenijim pravnim poslovima a čime bi Pravobranilaštvo dalo svoj doprinos u segmentu društvene odgovornosti.

Također smatramo da je u pogledu radno-pravnog statusa pripravnika/volontera potrebno urediti na način da se isti uvedu i u Pravilnik u organizaciji i sistematizaciji radnih mjesta u Kantonalnom pravobranilaštvu, a što je cilj u našem budućem djelovanju u izradi interenih akata, na čemu će mo u narednom periodu svakako nastojati, donošenjem Pravilnika o unutrašnjoj organizaciji, i učiniti.

Slijedom naprijed navedenog, a uobzirujući nastojanja Pravobranilaštva u ranijim izvještajima o potrebi angažmana pripravnika kao i razlozi za njihov angažman s uspjehom izvještavamo da smo realizirali plan angažmana dva pripravnika/volontera što se direktno odrazilo na izvršni referat, kao i naše dalje nastojanje da u ovom segmentu kroz Pravilnik uvedemo kao sistematizovano radno mjesto i na period od dvije godine za obavljanje pripravnčkog staža kako je to regulisano u Općinskim sudovima ali i određenim Pravobranilaštvima.

Dalji problem kad je u pitanju kadar, odnosno struktura uposlenih u Kantonalnom pravobranilaštvu, jeste problem vršenja poslova iz oblasti računovodstveno-knjigovodstvenih poslova a prema pozitivnim propisima iz oblasti revizije i računovodstva. Naime, navedni poslovi su itekako značajni i složeni, a prema Pravilniku o unutrašnjoj organizaciji, navedeno radno mjesto nije sistematizovano ali i obim tih poslova, koji su povremeni, ne iziskuju stalni angažman takvog uposlenika koji bi bio stručni saradnik, odnosno VSS, ekonomskog smjera, zbog čaga ne bi bilo ni racionalno takvo radno mjesto i u buduće sistematizovati. Smatramo da bi navedene poslove trebao obavljati državni službenik, stručni saradnik koji navedene poslove obavlja u nadležnom ministarstvu. Ovo iz razloga jer eventualni prijem takvog uposlenika u Pravobranilaštvo ne bi bio zadovoljen njegov puni angažman imajući u vidu obim

navedenih poslova. Ukoliko se ne bi prihvatila ovakva inicijativa, Pravobranilaštvo će biti prinuđeno da u budućem Pravilniku o unutrašnjoj organizaciji sistematizuje ovakvo radno mjesto, s time da će poslovi takvog radnog mjesta biti ioni iz nadležnosti koje je u opisu poslova drugu namještenik, najprije upisničara.

VI Materijalno-tehnička opremljenost Pravobranilaštva

U pogledu materijalne opremljenosti, Kantonalno pravobranilaštvo radi u poslovnim prostorijama izgrađenim 70-tih godina prošlog vijeka, koje je potrebno u cjelosti renovirati iz razloga što postoji realna opasnost od nastanka štete od instalacija koje nisu dostatne, što zbog dotrajalosti što zbog nepostojanja uopće, da udovolje potrebama normalnog funkcionisanja i upotrebe stalnih sredstava kojim radimo. Same poslovne prostorije su adekvatne i namjenski predviđene za Kantonalno pravobranilaštvo, koje po svojoj strukturi i površini svakako odgovaraju ovom organu, ali je iste potrebno modernizirati u skladu sa vremenom sve radi racionalnijeg i ekonomičnijeg korištenja.

Dalje, stanje službenih prostorija je dotrajalo da nisu dovoljna manja ulaganja jer je potrebno izmijeniti podove, stolariju, toalete, zatim promijeniti namještaj, da bi i izgled kancelarija Pravobranilaštva dao potreban dignitet ovoj instituciji, a pravobranilac, zamjenici pravobranilaca i ostali uposlenici konačno dobili zadovoljavajući radni prostor, potpunu materijalnu opremljenost i samim tim optimalne uslove za efikasan rad.

Značaj Pravobranilaštva u pitanju zaštite interesa kantona, kako u pravnim stvarima u kojim ima pasivnu, tako i u onim u kojim ima aktivnu ulogu u postupcima te zaštite a što se vidi iz ovog izvještaja kao i ranijih kao prilog toj nepobitnoj činjenici a to se ogleda u ostvarenju konkretnog prihoda u budžet Kantona kroz postupke izvršenja gdje se Pravobranilaštvo pojavljuje kao zakonski zastupnik ali i sprečavanju rashoda iz budžeta u postupcima u kojima je Kanton tuženi.

Dalje navodimo, a u prilog gore rečenom, da je budžet ovog organa minimalan ali isti upoređujući sa ostavrenim prihodom, kako direktnim tako i indirektnim, je dovoljan razlog da se Pravobranilaštvo da značaj koji mu pripada, kako u funkcionalnom tako i u materijalno-tehničkom, kadrovskom i svakom drugom obliku.

U tom smislu očekujemo da će se pristupit renoviranju službenih prostorija u kojim je smješten ovaj organ, iako sredstva u budžetu za 2024.godinu nisu opredjeljena za te namjene jer Pravobranilaštvo nije bilo u poziciji da predloži zahtjev prilikom donošenja budžeta, ali se kroz rebalans mogu stvoriti pretpostavke za taj naš zahtjev. Postupak upisa vlasništva nad predmetnim prostorijama je u toku, jer je neizvjesno do kad će isti trajati, a stanje u funkcionalnom smislu otežava rad i funkcionisanje Pravobranilaštva.

VII Osnovni zadaci i programska orijentacija Pravobranilaštva u 2024. godini

U ostvarivanju principa ustavnosti i zakonitosti i ostvarivanju funkcija i zadataka koji prozilaze iz Zakona o pravobranilaštvu i drugih zakonskih propisa, aktivnosti Kantonalnog pravobranilaštva Zenica će i u narednom periodu biti usmjerene na:

- *Poduzimanju mjera i aktivnosti radi pravne zaštite imovine i imovinskih interesa Kantona,*

- *Afirmaciji svih vidova preventivne djelatnosti Pravobranilaštva, kao što su sporazumno rješavanje spornih odnosa,*
- *Kontinuiranom praćenju pojava i problema vezanih za primjenu zakona u praksi, te iniciranju izmjene istih, putem nadležnih institucija,*
- *Organizovanju radnih dogovora sa ministarstvima i drugim organima u cilju što stručnijeg i efikasnijeg rada i postizanja boljih rezultata u zaštiti imovine Kantona,*
- *Ostvarenju saradnje sa federalnim i državnim organima i pravobranilaštvima na svim nivoima radi ujednačavanja prakse i zauzimanja stavova po pravnim pitanjima vezanim za primjenu zakonskih i drugih propisa, saradnju sa pravosudnim organima, organima uprave i drugim pravnim subjektima u cilju ostvarenja funkcije koje proizilaze iz naše nadležnosti,*
- *Ukazivanju Skupštini i Vladi Kantona na uočene pojave i probleme koji ugrožavaju i narušavaju imovinu Kantona, a do kojih saznanja bude dolazilo kroz rad na predmetima, kao i kroz podatke i obavještenja koja dostavljaju državni organi, preduzeća i druga pravna lica, te u okviru svoje nadležnosti, davati prijedloge za sprječavanje istih,*
- *Edukaciji nosilaca pravobranilačke funkcije i drugih uposlenika putem seminara, savjetovanja, kurseva, praćenja sudske prakse i nove zakonske regulative,*
- *Obezbjedenju kadrovskih (popuna upražnjenih pozicija zamjenika Pravobranioca i namještenika) i materijalno-tehničkih uslova za postizanje veće ažurnosti i efikasnosti u rješavanju predmeta iz nadležnosti Pravobranilaštva,*
- *Sačinjavanje Izvještaj o radu Kantonalanog pravobranilaštva za izvještajnu godinu,*
- *Redovno vršenje poslova na izradi raznih podnesaka koji se odnose na parnični, izvršni, vanparnični, upravni postupak kao i upravni spor pred nadležnim sudovima i drugim organima i tijelima koji odlučuju o pravima i obavezama Kantona, postupanje u zemljišno-knjžnim stvarima kod podnošenja zahtjeva za upis Kantona, izjavljivanje pravnih lijekova u tim postupcima i sl.,*
- *Preduzimanje mjera i aktivnosti na utvrđivanju mogućnosti sporazumnog rješavanja spornih odnosa, a u već nastalim sporovima nastojati najefikasnije otkloniti sve štetne posljedice ili iste umanjiti,*
- *Preventivno djelovati kroz sugestije i pravna mišljenja subjektima koje zastupa kako bi se otklonili svi pravni osnovi za eventualno potraživanje štete ili drugog prava,*
- *Obavezno učešće Pravobranilaštva u postupcima izrade Općih akata kojima se regulišu imovinsko-pravni odnosi,*
- *Praćenje i proučavanje društvenih odnosa koji su važni za ostvarivanje funkcije Pravobranilaštva,*
- *Uredno obavljati administrativno-tehničke poslove iz djelokruga ovog organa, poslovi pisarnice, uredno voditi propisane upisnike i druge poslove i zadatke,*
- *Raditi na izradi internih akta, pravilnika koji nisu doneseni ili usklađeni za zakonima koji su u nadležnosti Pravobranilaštva,*
- *Obezbijediti potrebna sredstva za nabavku stalnih sredstva (propisanih polica), donijeti potrebne materijalno - pravne osnove za arhiviranje predmeta shodno Zakonu o arhivskoj*

građi Zeničko-dobojskog kantona i drugih propisa koji regulišu postupanje sa arhivskom građom (predmetima i spisima),

- *Saradnja sa Arhivom Federacije BiH u postupku arhiviranja i uništavanja bezvrijedne arhivske građe,*
- *Edukovanje namještenika koji su određeni za vršenje arhivskog poslovanje,*
- *Rad na ažurirnju u rješavanju predmeta iz ranijih godina i pokretanja odgovarajućih postupaka,*
- *Racionalno koristiti sredstva za rad te se pridržavati i drugih mjera štednje,*
- *Nastojanja vansudskog rješavanja novih sporova iz radno- pravnih odnosa koji se odnose na utuživanje za isplate razlike doprinosa iz razlika plaća koje su bile predmet radnijih postupaka i isplata, o čemu je Zeničko-dobojski kanton upoznat radi čeg aočekujemo da se aktivno uključi u postupak obzirom da će navedene tužbe dodatno opteretiti budžet Kantona,*
- *Praćenje ostvarivanja ustavnosti i zakonitosti kao i o svim uočenim pojavama eventualnog kršenja pozitivnih propisa obavijestiti Skupštinu i Vladu Kantona.*

Kantonalni pravobranilac

Sedad Kliko

PRILOG:

- ***Tabela 1 – pregled prenesenih, zaprimljenih i riješeni predmeta po referatima u 2023. godini***
- ***Tabela 2 – prikaz vrijednosti sporova u parničnim postupcima u izvještajnom periodu***

Tabelarni prikaz spisa u 2023. godini

Oznaka spisa	Broj spisa prenesenih iz 2022. godine	Broj spisa zaprimljenih u 2023. godini	Ukupan broj spisa u radu u 2023. godini	Broj okončanih spisa u 2023. godini	Broj prenesenih spisa u 2024. godinu
“P” (parnični)	183	134	317	71	246
“I” (izvršni)	3.210	536	3.746	314	3.432
“Ist” (izvršni-sudska taksa)	6.096	2.228	8.324	963	7.361
“U” (upravni)	6	4	10	0	10
“M” (mišljenja)	36	104	140	91	49
“R” (razno)	66	224	290	182	108
“Up” (interni)	36	51	87	35	52
Ukupno	9.633	3.281	12.914	1.656	11.258

Tabela 2 – prikaz vrijednosti sporova u parničnim postupcima u izvještajnom periodu

Ukupna vrijednost svih parničnih sporova					8.796.719,51 KM	
Vrijednost u sporovima u kojima je Kanton tužitelj		Vrijednost u sporovima u kojima je Kanton tuženi				
6.292.675,45 KM		2.504.044,06 KM				
Vrijednost podnesenih tužbi	Vrijednost pravosnažno okončanih tužbi	Vrijednost po zaprimljenim tužbama		Vrijednost po pravosnažno okončanim tužbama		
6.373.465,36 KM	80.789,91 KM	1.938.400,04 KM		565.646,80 KM		
Vrijednost u cjelosti usvojenih tužbi Kantona protiv trećih lica					Dosuđeno	Odbijeno
73.729,50 KM					136.136,06 KM	429.510,74 KM
Vrijednost sudske nagodbe u korist Kantona						